











সদ্যোজাতকে (Neonatal Death) মৃত বলে ঘোষণা করে ডেথ সার্টিফিকেট (Death Certificate) দিয়েছিলেন চিকিৎসক। এরপর শিশুটির পরিবারের লোক শেখকৃত্য করার প্রস্তুতি প্রায় সেরে ফেলেছিলেন। কিন্তু আচমকা শিশুটি নড়ে ওঠে। এমনই চাঞ্চল্যকর ঘটনা ঘটেছে পশ্চিম মেদিনীপুরের গড়বেতায়। অভিযোগের তির পশ্চিম মেদিনীপুরের ঘাটাল সুপার স্পেশালিটি হাসপাতালের দিকে। ঘটনার তদন্ত করা হবে বলে জানিয়েছে হাসপাতাল কর্তৃপক্ষ।




শনিবার বীরভূম তৃণমূল কংগ্রেস ছাড়লেন ৫০০ কর্মী-সমর্থক। তাঁরা যোগ দিলেন কংগ্রেসে। পঞ্চায়েতের আগে অনুব্রত মণ্ডলের গড় ক্রমশ চাপ বাড়ছে শাসক শিবিরের উপর।



তৃণমূল নেতার দাদাগিরি। সাংস্কৃতিক অনুষ্ঠানে চিত্রাভিনেত্রী দেবশ্রী রায় উপস্থিত না হওয়ায় মিউজিক্যাল গ্রুপের কলাকুশলীর ইস্ট্রুমেন্ট আটকে রাখার অভিযোগ আয়োজকদের বিরুদ্ধে। প্রতিবাদে পথ অবরোধ করে বিক্ষোভ শিল্পীদের।



বড় দুর্ঘটনার হাত থেকে শনিবার রক্ষা পেলেন কেন্দ্রীয় আইনমন্ত্রী কিরেন রিজিজু। এদিন জম্মু-কাশ্মীরের রামবান জেলার বানিহাল এলাকায় দুর্ঘটনায় পড়ে কেন্দ্রীয় মন্ত্রীর গাড়ি। একটি ট্রাকের সঙ্গে ধাক্কা লাগে গাড়িটির। ফলে ক্ষতিগ্রস্ত হয় কিরেন রিজিজুর গাড়ি। যদিও এই ঘটনায় মন্ত্রীর কোনও চোট লাগেনি। দুর্ঘটনার হাত থেকে রক্ষা পান তাঁর সঙ্গে থাকা অন্যান্যরাও।



এক তৃণমূল কর্মীর গলাকাটা দেহ উদ্ধারে চাঞ্চল্য ছড়িয়েছে পশ্চিম মেদিনীপুর জেলার চন্দ্রকোনা-১ নম্বর ব্লকের পুড়শুড়ি গ্রামে। মৃতের নাম বটকৃষ্ণ পাল।



পশ্চিম মেদিনীপুরের নারায়ণগড়ে বাজি কারখানায় বিস্ফোরণে রাজনৈতিক রং। কাজিপার তরফে অভিযোগ উঠেছে বেআইনি বাজি কারখানার আড়ালে বোমা তৈরি করা হচ্ছিল।যদিও, তৃণমূল নেতৃত্ব সেই অভিযোগ অস্বীকার করেছে।



# স্প্রে দিয়ে অচৈতন্য করে যৌন নির্যাতন!

## নিউজ ডেস্ক

একাদশ শ্রেণির ছাত্রীকে স্প্রে দিয়ে অচৈতন্য করে যৌন নির্যাতন চালানোর অভিযোগ উঠল হুগলির পোলবায়। ওই ঘটনায় পোলবা থানায় গণধর্ষণের অভিযোগ দায়ের করেছে নির্যাতিতার পরিবার। ঘটনার তদন্তে নেমেছে পুলিশ। ওই কাণ্ডে ইতিমধ্যেই ৩ জনকে গ্রেফতার করেছে পুলিশ। মামলা রুজু হয়েছে পকসো ধারায়। ছাত্রীটির পরিবার সূত্রে জানা গিয়েছে, রবিবার সন্ধ্যায় টিউটোরিয়াল থেকে বাড়ি ফেরেনি ওই ছাত্রী। কিন্তু রাত সাড়ে ৮টা বেজে গেলেও সে বাড়ি না ফেরায় মেয়ের খোঁজ শুরু করেন পরিবারের সদস্যরা। টিউটোরিয়ালের শিক্ষককে ফোন করে ছাত্রীর মা জানতে পারেন ওই দিন যে পড়ানো হবে না, তা আগেই জানিয়ে দেওয়া হয়েছিল হোয়াটসঅ্যাপ গ্রুপে। শেষ পর্যন্ত রাত ১টা নাগাদ পোলবা থানায় বিষয়টি জানায় ছাত্রীর পরিবার। ছাত্রীটির পরিবার সূত্রে আরও জানা গিয়েছে, রবিবার ভোর ৫টা নাগাদ নিজেই সাইকেল নিয়ে বাড়ি ফেরে ওই ছাত্রী। তার অভিযোগ, শনিবার বাড়ি ফেরার পথে নির্জন জায়গায় তার রাস্তা আটকেছিল বিজন। বিজন তাকে বিয়ের প্রস্তাবও দেয়। কিন্তু ছাত্রী তাতে রাজি না হওয়ায় তার নাকে স্প্রে করে স্থানীয় একটি আমবাগানে বিজন তাকে টেনে নিয়ে যায় বলে অভিযোগ। সেখানে অচৈতন্য অবস্থায় তার উপর নির্যাতন চালানো হয় বলেও অভিযোগ। ছাত্রীর পরিবারের দাবি, বিজনের সঙ্গে আরও কয়েক জন যুবক ছিল। ভোরে জ্ঞান ফিরলে ছাত্রী দেখতে পায় তার সাইকেল পাশেই পড়ে রয়েছে। ছাত্রীর পরিবার সূত্রে জানা গিয়েছে, সেই সময় অভিযুক্তরা ফোনে কথা বলতে ব্যস্ত ছিল সেই সুযোগে সেখান থেকে বাড়ি ফেরে ওই নির্যাতিতা। এর পর পোলবা থানায় গিয়ে অভিযোগ দায়ের করে ছাত্রীর পরিবার। অভিযুক্তদের খোঁজ চালাচ্ছে পুলিশ।



উপাচার্য নিয়োগ সংক্রান্ত বিষয়ে প্রাক্তন রাজ্যপাল জগদীপ ধনকড়ের সঙ্গে তৃণমূল সরকারের বিরোধ চরমে পৌঁছেছিল। আবারও কি তার পুনরাবৃত্তি হবে? সম্প্রতি নয়া রাজ্যপাল বিশ্ববিদ্যালয়গুলির কাজকর্ম, আর্থিক লেনদেন সবিস্তার জানতে উপাচার্যদের চিঠি পাঠিয়েছেন। এই পদক্ষেপের বিকল্প সন্ধান করছে রাজ্য।



রবিবার গঙ্গার নীচ দিয়ে তৈরি মেট্রো সুড়ঙ্গে প্রথমবার প্রবেশ করানো হলো রেক। আপাতত সবকিছু খতিয়ে দেখার জন্য দুটি রেক ব্যবহার করা হবে। এই রেক প্রবেশের মাধ্যমে খতিয়ে দেখা হবে বিদ্যুৎ সংযোগ থেকে শুরু করে অন্যান্য নিরাপত্তার দিকগুলিও। শনিবার এমনটাই জানিয়েছে মেট্রো রেল কর্তৃপক্ষ।



কেরলে গত ২৪ ঘন্টায় নতুন করে এক হাজার ৮০১ জনের শরীরে প্রাণঘাতী করোনা ভাইরাসের সংক্রমণ ধরা পড়েছে। ভাইরাসের সংক্রমণ রুখতে শনিবারই জরুরি বৈঠকে বসেছিলেন রাজ্যের স্বাস্থ্যমন্ত্রী বীনা জর্জ। বৈঠকে গর্ভবতী মহিলা ও প্রবীণ নাগরিকদের জন্য মাস্ক ব্যবহার বাধ্যতামূলক করার সিদ্ধান্ত নেওয়া হয়েছে।কোভিড সংক্রান্ত বিধি-নিষেধ পুরোপুরি মেনে চলার পরামর্শ দিয়েছেন স্বাস্থ্যমন্ত্রী।



ব্যায়্র সংরক্ষণ প্রকল্পের পৌঁছলেন প্রধানমন্ত্রী নরেন্দ্র মোদি। দেশে টাইগার রিজার্ভ প্রজেক্টের ৫০ বছর পূর্তি উপলক্ষ্যে দিনভর বিশেষ কর্মসূচি রয়েছে তাঁর। তাঁর হেলিকপ্টার কর্ণটিকের মেলুকামানাহাল্লিতে অবতরণ করেছে। তিনি জিপে সওয়ার হয়ে বন্দিপুর টাইগার রিজার্ভে পৌঁছলেন। প্রসঙ্গত, ১৯৭৩ সালের নভেম্বরে তৎকালীন প্রধানমন্ত্রী ইন্দিরা গান্ধির হাত ধরে ভারতে এই প্রোজেক্ট টাইগারের সূচনা হয়।



বীরভূমে দেড় বছরের শিশু পুত্রকে খুনের অভিযোগ মায়ের বিরুদ্ধে। পরে নিজেও আত্মঘাতী হওয়ার চেষ্টা করেন মা। পরিবারিক অশান্তির জেরেই এই ঘটনা ঘটেছে বলে পুলিশের প্রাথমিক অনুমান।



'২৫ বছর ধরে মানুষের কাজ করছি, বয়স হচ্ছে, এবার যাওয়ার পালা, নতুনদের জায়গা করে দিতে হবে' - হতাশার সুর ফিরহাদ হাকিমের গলায়। পার্কিং ফি ইস্যু বিতর্কে মাঝে এই মন্তব্যকে কেন্দ্র করে জোর চর্চা শুরু হয়েছে রাজনৈতিক মহলে। চেতলায় ৮২ নম্বর ওয়ার্ডে একটি রক্তদান শিবিরে বক্তব্য রাখতে গিয়ে এ কথা বলেন তিনি।



নিয়োগ দুর্নীতি নিয়ে যখন রাজ্য রাজনীতি তোলপাড় তখন চাকরির দাবিতে মাতঙ্গিনী হাজারার মূর্তির পাদদেশে অবস্থানরত আপার প্রাইমারির চাকরিপ্রার্থীরা। সেই ধরনা মঞ্চে উপস্থিত হয়েছেন জালালুদ্দীন হোসেন সানিরা সাপগাঁ।





শীতলকুচির ছায়া মাথাভাঙ্গায়! প্রেমে প্রত্যাখ্যান সহ্য করতে না পেরে আবারও 'প্রেমিকাকে' খুনের চেষ্টার অভিযোগ উঠল প্রেমিকের বিরুদ্ধে। আক্রান্ত হলেন প্রেমিকার মাও। ঘটনায় অভিযুক্ত যুবক পলাতক। তাঁর খোঁজে তল্লাশি শুরু করেছে মাথাভাঙ্গা থানার পুলিশ। চলছে তদন্ত।



এখন সেলফি রাজনৈতিক প্রচার ও নেতাদের জীবনের গুরুত্বপূর্ণ অংশ হয়ে উঠেছে। প্রায়শই নেতা-মন্ত্রীদের অনুরাগী বা দলের কর্মীদের সঙ্গে সেলফি তুলতে দেখা যায়। এই ব্যাপারে কারও থেকে পিছিয়ে নেই প্রধানমন্ত্রী নরেন্দ্র মোদি। কখনও বলি-তারকা কখনও আবার অন্য কারও সঙ্গে সেলফি তোলেন প্রধানমন্ত্রী। সামাজিক মাধ্যমে তা নিয়ে আলোচনাও হয় বিস্তর। কিন্তু শনিবার এক বিশেষ সেলফির সাক্ষী হলেন তিনি।



বর্ষা আসলেই জলমগ্ন হয়ে পড়ে তিলোত্তমা কলকাতা। বিভিন্ন প্রান্তে জমা জলে নাজেহাল অবস্থা হয় শহরবাসীর। বছর খানেক আগেই মেয়র ফিরহাদ হাকিম বলেছিলেন, কলকাতার নিকাশি জল বের হয় এমন সমস্ত খাল সংস্কার করা হবে। সেচ দফতরের সঙ্গে আলোচনা সাপেক্ষে কাজও শুরু হয়েছিল। কলকাতার বেশ কয়েকটি জায়গার ১২টি খালের মধ্যে কিছু খালের সংস্কার হয়েছে, কিছু হচ্ছে এবং এখনও কিছু বাকি রয়েছে। তবে জানা গিয়েছে, দক্ষিণ ও দক্ষিণ-পূর্বের জল যে খালের মাধ্যমে যায়, সেই সিসি ওয়ান খাল সংস্কারের কাজে হাত দেওয়া হয়নি এখনও।



ত্রিপুরায় পদ্ম ফোটারের পর এবার লক্ষ্য বাংলা। বাংলা থেকে ঘাসফুল শিবিরকে উপড়ে পদ্মফুল ফোটানোর ডাক দিলেন ত্রিপুরার মুখ্যমন্ত্রী মানিক সাহা। পাশাপাশি তাঁর দাবি, তৃণমূল বামদলের উন্নততর রূপ। শনিবার কলকাতায় 'এক ভারত শ্রেষ্ঠ ভারত' কর্মসূচিতে অংশগ্রহণ করে এই বার্তা দিয়েছেন তিনি। কয়েক মাস আগে বিধানসভা নির্বাচনে জিতে দ্বিতীয়বারের জন্য সরকার গড়েছে বিজেপি।



ফের বঙ্গ রাজনীতির কেন্দ্রে নন্দীগ্রাম। সেখানে ব্যাপক দলবদলের সম্ভাবনা দেখা দিয়েছে। শনিবারের বারবেলায় শুভেন্দু অধিকারীর খাসতালুকে বিজেপি থেকে একের পর এক ইস্তফার খবর উঠে এসেছে। নন্দীগ্রামের মণ্ডল সভাপতি সহ একাধিক কর্মী গেরুয়া শিবিরকে বিদায় জানিয়েছেন বলে খবর।



## পুলিশের নাকা চেকিং এর সময় বাইক আরোহীর মৃত্যু

নিজস্ব সংবাদদাতা  
হুগলি:- হরিপাল থানার নালিকুল বটতলা এলাকায় রবিবার সকাল থেকেই চলছিল পুলিশের নাকা চেকিং, গাড়ির কাগজপত্র চেক করা থেকে শুরু করে গাড়ির বাইকারদের হেলমেট সমস্ত কিছুই চেকিং করছিলেন পুলিশ কর্মীরা। সেই সময় এক বাইক আরোহী মাথায় হেলমেট না থাকার জন্য দাঁড় করান কর্তব্যরত পুলিশ কর্মীরা। স্থানীয় সূত্রে জানা যায়-ওই সময়ই ওই ব্যক্তি অসুস্থ বোধ করেন এবং ঘটনাস্থলেই তার মৃত্যু হয়,এই ঘটনাকে কেন্দ্র করে স্থানীয় অঞ্চলে ব্যাপক উত্তেজনা সৃষ্টি হয়।স্থানীয় মানুষের দাবি বারবার অসুস্থতার কথা বলা সত্ত্বেও ওই ব্যক্তির কথার কোন গুরুত্ব দেননি পুলিশ কর্মীরা আর তারপরেই ঘটে যায় মর্মান্তিক দুর্ঘটনা। জানা যাচ্ছে মৃত ব্যক্তির নাম বাবুসোনা,তিনি নারিকেল ঘুষখোর এলাকার বাসিন্দা এবং তিনি একজন কাপড় ব্যবসায়ী। পুলিশের সামান্য একটু মানবিকতার অভাবে একটা প্রাণ এভাবে চলে যাওয়ায় স্থানীয় অঞ্চলের মানুষের মধ্যে ক্ষোভের সঞ্চার হয়েছে।




# সম্পাদকীয়

প্রিয় পাঠক,

চৈত্র শেষের দাবদাহ ক্রমশ বাড়ছে, এগিয়ে আসছে নতুন একটা বছর। আবহাওয়া অফিস বলছে নববর্ষের দিন তাপপ্রবাহ চলবে বাংলার উপরে। প্রকৃতির উপর কারোর হাত নেই, যতই তাপপ্রবাহ চলুক বাঙালির উৎসব পালন কখনো কোনোদিন পিছিয়ে থাকেনি আর থাকবেও না, তা আমরা বিগত দিনে বিভিন্ন উৎসব অনুষ্ঠানে দেখেছি। কিন্তু একটা ব্যাপার লক্ষ করার মতো সেটা হচ্ছে এই চৈত্র মাসে গাজন বা সংক্রান্তি যত এগিয়ে আসে তার ঠিক আগে আগে আমরা ছোট বেলায় পাড়ায় পাড়ায় দেখতাম সং দের, দুর্গা, কালি, মহাদেব সেজে তারা বিভিন্ন বাড়িতে বাড়িতে যেত ও মাধুকরি বা ভিক্ষা গ্রহণ করতো। আমাদের বাংলা সাহিত্যেও বিভিন্ন লেখকের লেখায় এই সং দের কথা জানতে পারি। উত্তর কলকাতা ও মধ্য কলকাতার জেলে পাড়ার সং বিখ্যাত ছিল। এখনও বিডন স্ট্রিটে ছাতু বাবুর বাজারে গাজনের মেলা বসে, সেখানে সং দের দেখা যায়, কিন্তু পাড়ায় পাড়ায় গৃহস্থ বাড়িতে দুপুর বেলা তাদের আগমন ও রঙ্গ রস আর দেখার সৌভাগ্য হয় না। কেন এবং কি কারণে তা পর্যালোচনা করতে গিয়ে দেখি যে মানুষের এখন সময় ও অবস্থান বদলেছে। সবই একহীন ফ্ল্যাট বাড়ি হয়ে গেছে, সবাই যে যার কর্মে ব্যস্ত, দুপুরে আর কেউ বাড়ি থাকে না, সবাই অফিসে চলে যায়। আগের দিনের সেই একান্নবর্তী পরিবার আর নেই, দুপুরে মা কাকিমাদের পানের বাটা নিয়ে আড্ডা নেই, বাড়ির বৌদের আর সময় কাটানোর জন্য ছোট ছোট দেওর ননদ'দের সাথে লুডো খেলা বা বাঘ বন্দি খেলার প্রয়োজন নেই। কারণ সবাই এখন ভিন্ন ভিন্ন পরিবার। ছোট থেকে আরও ছোট হচ্ছে পরিবারের পরিসর। ফলে ওই সং রা ও জানে নিজেদের নানা রূপে সাজিয়ে গৃহস্থের দরজায় গেলে নয় ফ্ল্যাটের সিকিউরিটির গলা ধাক্কা অথবা তালা বন্ধ দরজার সামনে থেকে ফিরে আসতে হবে। আর যদিও কিছু বাড়িতে বৌদি বা ঠাকুমা কাকিমার দেখা পাওয়া যায় ও, তারা তখন ব্যস্ত নয় মোবাইলে আর নয় টিভির পর্দায় ধারাবাহিক সিরিয়ালের পর্দায় চোখ দিয়ে। তখন এই উটকো সং রা ভিক্ষে চেয়ে বেল বাজালে ভিক্ষা তো দূর অস্ত, হয়তো সারা ও পাবে না। কারণ সিরিয়ালের গুরুত্বপূর্ণ অংশ দেখা হবে না বা ফেসবুকে নিজের আপডেট দেওয়ায় দেরি হয়ে যাবে। এইভাবে আমাদের বাঙালি সংস্কৃতি আজ হারিয়ে যাচ্ছে, হারিয়ে যাচ্ছে আমাদের নিজস্বতা। আধুনিক সমাজে আমরা ভুলতে বসেছি সম্পর্কের বাঁধনকে। আমরা দিনে দিনে হয়ে যাচ্ছি একা আরো একা। গ্রাস করছে আধুনিক সভ্যতার কালো হাতছানি। জানিনা এর শেষ কোথায়? হতাশা আর নিঃসঙ্গতা গ্রাস করছে সমাজের সর্বস্তরের সব বয়সের মানুষের মধ্যে। যৌথ পরিবার, ক্লাবের আড্ডা, অতিথির আনাগোনা সব কমে যাচ্ছে ধীরে ধীরে। এক ভয়ংকর শূন্যতা তৈরি হচ্ছে এই সমাজের বুকে।

আমরা বলো কলকাতা পরিবার চাই আবার একটা নতুন প্রজন্মের সূচনা, আমরা তৈরি করতে চাই নতুন একটা পরিবার। যে প্রান্তেই থাকি না কেন একসূত্রে আমরা বাঁধবো আমাদের সকল সদস্য/সদস্যা, শুভানুধ্যায়ী, বন্ধু সবাইকে। চলবো একসাথে এক ভাবনায়। আজ এই পর্যন্ত। ভালো থাকুন, নমস্কার।

সৌমিক সান্যাল  
সম্পাদক-বলো কলকাতা



## ছুটির সকালে বন্দিপুর

### জাতীয় অরণ্যে বাঘ দেখতে নরেন্দ্র মোদী, তুললেন ছবি

**নিউজ ডেস্ক**

**অমিত পালিত:-** ছুটির দিন রবিবারে বন্দিপুর ব্যাঘ্র প্রকল্প পরিদর্শন করতে সকাল সকাল কর্নটকে পৌঁছে গিয়েছেন প্রধানমন্ত্রী নরেন্দ্র মোদী। রবিবার ব্যাঘ্র প্রকল্প কর্মসূচির ৫০ বছর পূর্তি উপলক্ষে বাঘের পরিসংখ্যান প্রকাশ করলেন প্রধানমন্ত্রী। রবিবার মাইসুরুতে ব্যাঘ্র প্রকল্পের একটি অনুষ্ঠানে যোগ দিয়ে প্রধানমন্ত্রী মোদী জানিয়েছেন, ২০২২ সাল পর্যন্ত ভারতে বাঘের সংখ্যা হয়েছে ৩ হাজার ১৬৭। এদিন কর্নটকের বন্দিপুর জঙ্গলে প্রধানমন্ত্রীকে একটি খাকি প্যান্টের সঙ্গে ক্যামোফ্লেজ টি-শার্ট ও হাতকাটা জ্যাকেটে দেখা গিয়েছে। হাতে রয়েছে ক্যামেরা। মোদীই প্রথম প্রধানমন্ত্রী যিনি বন্দিপুর জঙ্গল সফরে এসেছেন। তিনি জঙ্গলের প্রথম সারির কর্মী ও সেন্সর হেল্প গ্রুপের সদস্যদের সঙ্গে কথা বলেন। এদিন কর্নটকের বন্দিপুর জঙ্গলে প্রধানমন্ত্রীকে একটি খাকি প্যান্টের সঙ্গে ক্যামোফ্লেজ টি-শার্ট ও হাতকাটা জ্যাকেটে দেখা গিয়েছে। হাতে রয়েছে ক্যামেরা। মোদীই প্রথম প্রধানমন্ত্রী যিনি বন্দিপুর জঙ্গল সফরে এসেছেন। তিনি জঙ্গলের প্রথম সারির কর্মী ও সেন্সর হেল্প গ্রুপের সদস্যদের সঙ্গে কথা বলেন।

বাঘের পাশাপাশি হাতির ক্যাম্পও পরিদর্শন করেন প্রধানমন্ত্রী। বন্দিপুর থেকে তামিলনাড়ুর মুদুমলাই ব্যাঘ্র সংরক্ষণ কেন্দ্রে থেপাকাডু হাতি ক্যাম্পে যান প্রধানমন্ত্রী। সেখানে এসে হাতিদের খাবারও খাওয়ান।



## আমূলের একটি টুইট, কর্নটকে

### কার্যত রাজনৈতিক ঝড়

**নিউজ ডেস্ক**

**ধীমান কুনডু:-** আমূলের একটি টুইট, ভোট মুখী কর্নটকে কার্যত রাজনৈতিক ঝড়। বিরোধী কংগ্রেস ও জেডিএস-এর নিশানায় বিজেপি। আমূলের টুইটে বলা হয়েছে, গুজরাত ভিত্তিক আমূল বেঙ্গালুরুতে অনলাইন ডেলিভারি শুরু করবে। কর্নটক মিস্ক ফেডারেশনের অধীনে থাকা "নন্দিনী" গুজরাতের আমূলের সঙ্গে মিশে যাচ্ছে কিনা তা নিয়ে জল্পনা তৈরি হয়েছে। কর্নটকের প্রাক্তন মুখ্যমন্ত্রী তথা বিরোধী দলের নেতা সিদ্দারামাইয়া-সহ বেশ কিছু রাজনীতিক কর্নটক মিস্ক ফেডারেশনের দুধ "নন্দিনী"-র সমর্থন করে বলেছেন, সমস্ত রাজ্যবাসীর উচিত আমূলের পণ্য না কেনা। ভোটের প্রাক্কালে বিরোধী কংগ্রেস ও জেডিএস সুযোগ হাতছাড়া করতে রাজি নয়। রাজ্যের নিজের ব্র্যান্ডকে ধ্বংস করা হচ্ছে বলে, অভিযোগ তোলে বিরোধীরা।সোশ্যাল মিডিয়ায় আমূলের বিপক্ষে এবং নন্দিনীর পক্ষে প্রচার শুরু হয়েছে। যেখানে #GoBackAmul এবং #SaveNandini হ্যাশট্যাগগুলি ইতিমধ্যেই প্রচুর মানুষ শেয়ার করেছেন।ক্ৰহাট বেঙ্গালুরু হোটেলস অ্যাসোসিয়েশন হোম ব্র্যান্ডে "নন্দিনী"-র পক্ষেই। ভোটের মুখে বিষয়টি নিয়ে চাপে রাজ্য বিজেপি। মুখ্যমন্ত্রী বাসজরাজ বোশাই বলেছেন, "নন্দিনী" ব্র্যান্ডকে যাতে অন্য রাজ্যে জনপ্রিয় করা যায়, তার জন্য পদক্ষেপ নেবে সরকার।




## শঙ্খ আকৃতির

### অডিটোরিয়াম 'ধনধান্য' উদ্বোধনের অপেক্ষায়

**নিউজ ডেস্ক**

বৃহস্পতিবার অর্থাৎ ১৩ এপ্রিল আলিপুর 'সৌজন্য'র ঠিক উল্টো দিকে শঙ্খ আকৃতির অডিটোরিয়ামের উদ্বোধন করবেন মুখ্যমন্ত্রী মমতা বন্দ্যোপাধ্যায়।অডিটোরিয়ামের গঠন শৈলীতে বাঙালি ঐতিহ্যের ঝলক তো রয়েছেই তারই সাথে অডিটোরিয়ামের চার পাশে রয়েছে অত্যাধুনিক নানা ব্যবস্থাপনা।'ধনধান্য' অডিটোরিয়াম তৈরির কাজ শুরু করা হয় ২০১৬ সালে।প্রেক্ষাগৃহটি তৈরি হয়েছে শঙ্খের ধাঁচে। ছয়তলার এই প্রেক্ষাগৃহে রয়েছে ২০০০ আসনের একটি সভাঘর তারই সাথে রয়েছে ৫৪০ সিনেটর আরও একটি সভা গৃহ সহ ৩০০ মানুষ বসার একটি 'স্ট্রিট থিয়েটার'ও ।অডিটোরিয়াম লম্বায় ৫১০ ফুট ও চওড়ায় ২১০ ফুট। অডিটোরিয়াম টি নির্মাণ করতে খরচ হয়েছে ৪৪০ কোটি টাকা।




## 'থেমে কিছুই থাকে না, জমে থাকে স্মৃতিগুলো' শিরোনামে সন্তোষ

### করের স্মরণ সভা পল্লী সংঘের

**শুভঙ্কর ঘোষাল, হাবড়া:-** প্রাক্তন ফুটবলার, জনপ্রিয় ক্রীড়া সংগঠক, ক্রীড়াবিদ, সমাজসেবী প্রয়াত সন্তোষ করের বা সন্তুদার স্মরণ সভা সংগঠিত করল তাঁর নিজের ক্লাব অশোকনগর পল্লী সংঘ। শনিবার বিকেলে পল্লী সংঘ প্রাঙ্গনে ক্লাবের সভাপতি বিমান চ্যাটার্জির স্মৃতিচারণ দিয়ে শুরু হয় এই স্মরণ সভা। উপস্থিত সকলে সন্তোষ করের প্রতিকৃতিতে পুষ্পার্ঘ্য অর্পণ করে শ্রদ্ধা জানান। 'তোমারও অসীমে প্রাণ মন লয়ে যত দূরে আমি ধাই রবীন্দ্র সঙ্গীত পরিবেশন করেন প্রখ্যাত সঙ্গীতশিল্পী রাতুল চন্দ্র সঙ্গীত পরিবেশন করে শিশুশিল্পী আয়ুস মজুমদার। এদিন এই স্মরণ সভায় সন্তোষ করের স্মৃতিচারণ করেন ক্লাবের প্রবীণ সদস্য মিহির পাল, ক্রীড়া সংগঠক বিশ্বনাথ বর্ধন, অশোকনগর প্রেস ক্লাবের সভাপতি প্রলয় কুমার দত্ত, অশোকনগর কল্যাণগড় পুরসভার ১৪ নং ওয়ার্ডের কাউন্সিলার তাপস ভট্টাচার্য, কংগ্রেস নেতা বিভাষ ভট্টাচার্য, অশোকনগরের প্রাক্তন বিধায়ক তথা অশোকনগর কল্যাণগড় পুরসভার উপপুরপ্রধান ধীমান রায়, অশোকনগর স্পোর্টস অ্যাসোসিয়েশন (এএসএ)-এর সভাপতি সুভাষ কুনডু, ক্রীড়া সংগঠক কার্তিক ইন্দু, ভারতী ক্লাবের সদস্য নির্মালা চট্টোপাধ্যায়, ক্রীড়া সংগঠক বরুণ কুমার দাস, বিবেকানন্দ স্পোর্টিং ক্লাবের খোকন কর, প্রাক্তন ফুটবলার মণি সরখেল, সৌমিত্র ঘোষ এবং অশোকনগরের প্রাক্তন বিধায়ক সত্যসেবী কর।

এদিন বিশ্বনাথ বর্ধন বলেন, এএসএ-কে দ্বিতীয় ঘর বলে মনে করতেন সন্তোষ কর। এএসএ-কে যেসব মানুষ একটা উচ্চতায় নিয়ে গেছেন, তাদের মধ্যে সন্তোষ কর অন্যতম। রেফারি ছিল, আম্পায়ারও ছিল সন্তু। পাশাপাশি প্রলয় কুমার দত্ত বলেন, সন্তোষ করের সঙ্গে ব্যক্তিগত পরিচয় অল্পদিনের। প্রেস ক্লাব গড়ে তোলার ক্ষেত্রে তাঁর সহযোগিতা পেয়েছি। অনেক কষ্ট করে টিন দিয়ে ক্লাবঘর তৈরি করলেও বসার ব্যবস্থা ছিল না। কয়েকটি চেয়ার দিয়েছেন তিনি। প্রেস ক্লাবের প্রতিটি সদস্যের কাছে সন্তুদা স্মরণীয়। ১৪ নং ওয়ার্ডের কাউন্সিলার তাপস ভট্টাচার্য বলেন, একজন ভালো মানুষ ছিলেন সন্তু। এএসএ-এর জন্য ও যা করেছে তার তুলনা হয় না। আমার চোখে দেখা শ্রেষ্ঠ মানুষ ছিলেন। অশোকনগর প্রেস ক্লাবকে ধন্যবাদ জানাব, কারণ এমন একজন মানুষকে সম্মান জানিয়েছে তারা। সন্তোষ করের স্মৃতিচারণ করে ধীমান রায় বলেন, আমাকে ধীমানদা বলে ডাকত। আমিও সন্তুদা বলে ডাকতাম। একদিন রাত্তায় দেখা, আমায় বলল, বিভিন্ন ক্লাব টাকা পাচ্ছে। এখানে একটা ক্লাব আছে, ইচ্ছে করলেই তার জন্য কিছু করতে পার। খেলাপাগল সন্তুদার জন্যই পল্লী সংঘে শরীরচর্চার একটি কেন্দ্র গড়ে উঠেছে বলে উল্লেখ করেন ধীমান রায়। এএসএ-এর সভাপতি সুভাষ কুনডু বলেন, সন্তুর অভাব তারাই বুঝে যারা বিভিন্ন সময়ে তাঁর থেকে উপকৃত হয়েছে। ছেলেমেয়ের পড়াশুনো, বিয়ে, চিকিৎসা সবক্ষেত্রেই মানুষ ওর কাছ থেকে সহযোগিতা পেয়েছে। ভারতী ক্লাবের সদস্য নির্মালা চট্টোপাধ্যায় বলেন, ভারতী ক্লাব কোনও দিনও সন্তোষ করকে ভুলতে পারবে না। পাশের ক্লাবের সঙ্গে তীব্র প্রতিদ্বন্দ্বিতা থাকলেও ভারতী ক্লাবের বিভিন্ন প্রোগ্রামে বড়ো ভূমিকা নিয়েছে সন্তু। সিপিএম নেতা প্রাক্তন বিধায়ক সত্যসেবী কর বলেন, কোনও মানুষের ভুল হয় না, এটা হয় না। ভুল হয় শয়তানের। ভোলেভালা ছিলেন সন্তুদা। যা হয় হবে। কাজ করতেনই হবে মনোভাব ছিল। খেলা পাগল ছিলেন। একসময় খেলার জগতে কোনও ভাগ ছিল না। একই মানুষ ফুটবল, ক্রিকেট, ভলি সব খেলতেন। সন্তুদাকে মানুষ মনে রেখেছেন, সেটা সন্তুদার দক্ষতার জন্য। খেলা যদি না থাকে সমাজ তৈরি হবে কি করে প্রশ্ন তুলে তিনি বলেন, খেলার মাঠে এই প্রজন্মকে ফেরাতে পারলেই সন্তুদাকে স্মরণ করা হবে। অশোকনগর পল্লী সংঘের সাধারণ সম্পাদক সুখেন সরকার সব সদস্যদের ধন্যবাদ জানিয়ে এই সভা শেষ করেন। সঞ্চালক ছিলেন নীলাদ্রি ভৌমিক।

প্রসঙ্গত, প্রাক্তন ক্রীড়া সংগঠক ও ক্রীড়াবিদ সন্তোষ কর সাফল্যের সঙ্গে কলকাতা মাঠে খিদিরপুর ক্লাব, মির্জাপুর স্পোর্টিং ও কালীঘাট ক্লাবে খেলেছেন। বিভিন্ন সময়ে এএসএ-র গুরুত্বপূর্ণ পদে থেকে দায়িত্ব নিয়ে কাজ করেছেন। ফুটবল ছাড়াও ক্রিকেট, ভলি ও অ্যাথলেটে সমান পারদর্শী ছিলেন। এএসএ-র উন্নয়নে বিশেষ অবদান রয়েছে তাঁর। আমৃত্যু এএসএ-র অছি পরিষদের সদস্য ছিলেন। করোনার সময়ে নিজের ক্লাবে সদস্যদের সঙ্গে কাঁধে কাঁধ মিলিয়ে কমিউনিটি কিচেন করে টানা দেড়মাস বিপন্ন মানুষের মুখে একবেলা খাবার তুলে দিয়েছেন। অসহায় মানুষের পাশে থেকে জনপ্রিয় হয়ে উঠেছিলেন সন্তোষ কর বা সন্তুদা। উল্লেখ্য, ক্রীড়াক্ষেত্রে ও সমাজসেবায় গুরুত্বপূর্ণ অবদানের জন্য সন্তোষ করকে গত ২৬ জানুয়ারি জীবনকৃতি সম্মাননা প্রদান করে অশোকনগর প্রেস ক্লাব। গত ২৫ মার্চ প্রয়াত হন সন্তোষ কর।



## অজয় দেবগনের ছবি ভোলা

### প্রেক্ষাগৃহের দর্শকদের ভিড় বাড়িয়ে চলেছে । দ্বিতীয় শনিবার ৪.২৫ কোটি টাকা আয় করেছে এই ছবি । যার ফলে ১০ দিনে এই ছবির মোট আয় ৬৭.৫৩ কোটি টাকা হয়েছে ।



## নির্ধারিত ২০ ওভারে ৮ উইকেটে ১৫৭

### রান তোলে মুম্বই । ৩ উইকেটে জয়ের জন্য প্রয়োজনীয় রান তুলে নিল চেন্নাই সুপার কিংস । ব্যাট হাতে দূরন্ত খেললেন অজিঙ্ক রাহানে । ডেভিড কনওয়ে শূন্য রানে ফেরার পর ৩৪ বছরের তরুণের ব্যাট থেকে এল ২৭ বলে ৬১ রানের বিস্ফোরক ইনিংস । যা ইয়েলো আর্মির জয়ের ভিত গড়ে দিল ।



## ভারত সফরে আসছেন ইউক্রেনের

### বিদেশমন্ত্রী এমিন জাপারোভা, বিদেশ মন্ত্রকের তরফে এ কথা জানানো হয়েছে। রাশিয়া- ইউক্রেনের যুদ্ধ শুরু হওয়ার পরে, এই প্রথম ইউক্রেনের কোনও মন্ত্রী ভারত সফরে আসছেন।বিদেশ মন্ত্রকের তরফে শনিবার একটি বিজ্ঞপ্তিতে জানানো হয়েছে সরকারি স্তরে বেশ কিছু গুরুত্বপূর্ণ বৈঠক করবেন এমিন।



## রাস্তার ধারে একাকী বসে এক

### অসহায় বৃদ্ধ। আসতে-যেতে অনেকেই দেখছেন, আবার অনেকে না দেখে পাস কাটিয়ে চলেও যাচ্ছেন। সবাই যে যার মতো ব্যস্ত। কিন্তু একজনের নজরে পড়ল, তাও একরত্তি এক খুদের। অসহায় ওই বৃদ্ধকে নিজের ছোট্ট ছোট্ট হাতে জল খাইয়ে দিল একরত্তি। এই দৃশ্য ধরা পড়ল ক্যামেরায়। সোশ্যাল মিডিয়ায় তা পোস্ট হতেই নিমেষের মধ্যে ভাইরাল। আর ভাইরাল ওই ভিডিও দেখে প্রশংসার ঝড় নেটদুনিয়ায়।



## উডল্যান্ডস মাল্টি স্পেশালিটি হাসপাতাল

### লিমিটেড, আইপিএল ২০২৩-এর অফিসিয়াল হেলথ পার্টনার হিসেবে কলকাতা নাইটস রাইডার্সের সাথে যোগ দিলো।

ম্যানেজিং ডিরেক্টর এবং সিইও- ডাঃ রূপালী বসু, বলেন "আমাদের সম্মানিত ডাক্তার এবং নার্সরা দলের সর্বোত্তম যত্ন নিতে সেখানে থাকবেন। কলকাতার ক্রিকেট দলের স্বাস্থ্যের দায়িত্বে থাকতে পেরে আমরা গর্বিত এবং উচ্ছ্বসিত এবং পুরো মৌসুমের জন্য তাদের সৌভাগ্য কামনা করছি।"



## বেঙ্গল টুডে



## প্রয়াত বড় ছেলের স্বপ্ন পুরনে, মায়ের তৈরী স্বেচ্ছাসেবী সংস্থা

নিজস্ব সংবাদদাতা

**পূর্ব বর্ধমান:-** প্রয়াত বড় ছেলের স্বপ্ন পুরনে স্বেচ্ছাসেবী সংস্থা তৈরী করেন মা সুনীতা সাহা। নাম রাখেন “উদয় উৎসব ফাউন্ডেশন”। এরপর গত তিন বছর ধরে দক্ষিণবঙ্গের প্রত্যন্ত গ্রামীণ এলাকায় গিয়ে দুস্থদের জামা-কাপড়, খাবার, বই-খাতা প্রভৃতি তুলে দিচ্ছেন। রবিবার ফাউন্ডেশনের সদস্যদের নিয়ে সুনীতাদেবী আসেন পূর্ব বর্ধমান জেলায় পূর্বস্থলী ২ রুকে। ছাড়িগঙ্গার পাশে “রাজ” ইটভাটায় কর্মরত ৮০ জন দুস্থ শ্রমিকের হাতে তারা জামা-কাপড়, শুকনো-খাবার প্রভৃতি তুলে দেন। জানা গিয়েছে, কলকাতা দমদম এলাকার বাসিন্দা সুনীতাদেবীর বড় ছেলে উৎসব সাহা ডাক্তারি পাশ করে আরজিকর মেডিকেল হাসপাতালের চিকিৎসক হিসাবে যোগ দিয়েছিলেন। তার স্বপ্ন ছিল মাইনের অধিকাংশ টাকা, প্রকৃত দুস্থদের দান করা। কিন্তু, হঠাৎ এক দুর্ঘটনায় উৎসবের মৃত্যু হয়। এরপর ছেলের স্বপ্ন পুরনে উদয় উৎসব ফাউন্ডেশন তৈরি করেন। পূর্বস্থলীর ইটভাটায় দুস্থদের জামা কাপড়, খাবার বিতরণ করেন সুনীতা দেবী। এদিন বিনামূল্যে এই ধরনের উপহার সামগ্রী পেয়ে উচ্ছাস প্রকাশ করে ওই ইটভাটার শ্রমিকরা। কোলের শিশু থেকে শুরু করে মহিলা পুরুষ সকলেই পেয়েছেন উদয় উৎসব ফাউন্ডেশনের উপহার। মূলত, সকলেই ঝাড়খন্ড রাজ্যের বাসিন্দা। প্রত্যন্ত গ্রামীণ এলাকা থেকে পশ্চিমবাংলায় এসেছেন, ইটভাটায় শ্রমিকের কাজে।



## দশটি অবৈধ কয়লা বোঝাই মোটরবাইক সহ গ্রেপ্তার-১

**কৌশিক গাঙ্গুলী,বীরভূম:-** বীরভূম জেলা সদাইপুর থানার পুলিশের একটি টিম অভিযান চালিয়ে কামারডাঙাল থেকে দশটি কয়লা বোঝাই মোটরবাইক সহ এক জনকে আটক করেন।আনুমানিক প্রত্যেকটি মোটরসাইকেলে চার কুইন্টাল করে কয়লা মজুদ ছিল। অভিযান চালানোর সময় পুলিশকে দেখে কয়লা পাচারকারীরা উক্ত স্থান থেকে চম্পট দেয়,ওদের মধ্যে একজনকে পুলিশ গ্রেপ্তার করে। পুলিশ সূত্রের তার নাম জানা গেছে রাজ উদ্দিন খান। এলাকা সূত্রে জানা গেছে এর আগেও সদাইপুর থানার পুলিশের টিম অভিযান চালিয়ে কয়লা বোঝাই লরি, মোটরবাইক, ট্রাক্টর, পিকআপ ভ্যান ,আটক করেছিলেন।সদাইপুর থানার পুলিশ পুরো বিষয়টির তদন্ত শুরু করেছেন।



## কুয়ো নদীতে সক্রিয় বালি মাফিয়া রাজ

**সৌভিক সাহা, নিউজ ডেস্ক:-** মুর্শিদাবাদ জেলার ভরতপুর থানার অন্তর্গত আঙ্গারপুর ব্রিজ থেকে ১৫০ মিটারের মধ্যে রমরমিয়ে চলছে বালি কাটার কাজ। বালি মাফিয়াদের দৌড়াচ্ছে কুয়ো নদী হারাতে বসেছে এমনটাই অভিযোগ স্থানীয় বাসিন্দাদের থেকে শুরু করে রাজনৈতিক ব্যক্তিত্বদের। যদিও এ বিষয়ে স্থানীয় বাসিন্দারা বালি মাফিয়াদের ভয়ে ক্যামেরার সামনে মুখ খুলতে চাননি। দিনের আলোর মধ্যে প্রশাসনের চোখকে বুড়ো আঙ্গুল দেখিয়ে প্রশাসনের নাকের ডগায় বালি কাটার ঘটনায় সরব হয়েছেন শাসক থেকে শুরু করে বিরোধী সব শিবির। তৃণমূলের ব্লক সভাপতি নজরুল ইসলাম এই ঘটনাকে কার্যত মেনে নিয়েছেন এবং তিনি ঘটনার নিন্দা করেছেন পাশাপাশি গেরুয়া শিবিরের পক্ষ থেকে প্রশাসনের উপর দায় চাপিয়ে বলেন প্রশাসনের একাংশের মদতেই বালি মাফিয়ারা এরকম ভাবে দিনের আলোয় বালি কাটছে কুয়ো নদী থেকে অবাদে। ঘটনায় বালি মাফিয়ারদের দৌরাত্ম আবারো সামনে আসছে মুর্শিদাবাদে।



## মালদহে কংগ্রেসের ব্লক সভাপতি গঠন নিয়ে গোষ্ঠী কোন্দল প্রকাশ্যে!

নিজস্ব সংবাদদাতা

**মালদা:-** পঞ্চায়েত ভোটের আগেই প্রকাশ্যে মালদহের মানিকচকে কংগ্রেসের গোষ্ঠী কোন্দল! মানিকচক কংগ্রেস দলের ব্লক কার্যালয়ে জেলা নেতৃত্বের সামনেই বাগবিতন্ডায় জড়িয়ে পড়ে কংগ্রেসের দুই গোষ্ঠী।মানিকচক ব্লক কংগ্রেসের নতুন সভাপতিকে মানতে নারাজ দলের একাংশ। শেষ পর্যন্ত জেলা নেতৃত্বের সিদ্ধান্তকে চ্যালেঞ্জ করে সভা ছেড়ে বেরিয়ে গেলেন ব্লক কংগ্রেসের বেশ কয়েকজন নেতা। এই গোষ্ঠীকোন্দলের জন্য প্রত্যক্ষ ও পরোক্ষভাবে জেলা নেতৃত্বই দায়ী বলে দাবি তাঁদের। জানা গেছে, দীর্ঘ পাঁচ বছর মানিকচক ব্লক কংগ্রেসের সভাপতি ছিলেন নীলোৎপল মন্ডল। সম্প্রতি ব্যক্তিগত কারণে তিনি পদত্যাগ করেন।বেশ কিছুদিন সভাপতি হীন অবস্থায় চলছিল মানিকচক ব্লক কংগ্রেস। দু'মাস আগে মানিকচক ব্লক কংগ্রেসের সভাপতি হিসাবে মতিউর রহমানের নাম ঘোষনা করেন জেলা কংগ্রেস কমিটি। তখন থেকেই দলের অন্তরে শুরু হয় গোষ্ঠী কোন্দল। পাশাপাশি কংগ্রেস নেতৃত্বের একাংশের দাবি, দলীয় নিয়ম মেনেই অঞ্চল সভাপতিদের নিয়ে ভোটাভুটির মাধ্যমে ব্লক সভাপতি নির্বাচন করা হোক।শেষমেষ জেলা নেতৃত্ব সিদ্ধান্ত নেয় অঞ্চল সভাপতিদের ভোটাভুটির মাধ্যমে মানিকচক ব্লক কংগ্রেস সভাপতি নির্বাচিত হবে। দলের তরফ থেকে সভাপতি হিসাবে মতিউর রহমান এবং চৈতন্য দত্তের নাম উঠে আসে। বিগত শুক্রবার কোতুলি ভবনে অঞ্চল কংগ্রেস সভাপতির গোপনে ভোট দেন। ন'জন অঞ্চল সভাপতি ভোট দিয়েছিলেন।তাদের মধ্যে পাঁচজনের ভোট যায় মতিউর রহমানের দিকে।চারটি ভোট ছিল চৈতন্য দত্তের ঝুলিতে। যদিও মানিকচকে মোট এগারোটি অঞ্চল আছে। কিন্তু ভুতনি ও হিরান্দপুর অঞ্চল কংগ্রেসের অস্তিত্ব নেই। তাই দুই অঞ্চলে কংগ্রেসরের কোনও সভাপতি নেই। ৫-৪ ভোটে জয়লাভ করে সভাপতি নির্বাচিত হন মতিউর রহমান।

মতিউর রহমানকে সভাপতির পদ বুঝিয়ে দিতে মানিকচক ব্লক কংগ্রেস কার্যালয়ে উপস্থিত হন পুরাতন মালদার প্রাক্তন বিধায়ক অর্জুন হালদার। জেলা কংগ্রেসের সাধারণ সম্পাদক কালীসাধন রায়।সভায় ডাকা হয় বিভিন্ন কংগ্রেস নেতাদের। ব্লক কংগ্রেস কার্যালয়ে সভাপতি মতিউর রহমানের নাম ঘোষনা হতেই শুরু হয়ে যায় দুই গোষ্ঠীর বাগবিতন্ডা।একসময়ে জেলা নেতৃত্বের নির্দেশ তোয়াক্বা না করেই কয়েকজন কংগ্রেস নেতা সভা ছেড়ে বেরিয়ে যান। সভা ছেড়ে বেরিয়ে যান সভাপতি পদে প্রতিদ্বন্দী চৈতন্য দত্ত। বরকত আলি সহ আরও কয়েকজন। বরকত আলি দলর গোষ্ঠীকোন্দলের কথা মেনে নেন, তাঁর দাবি সঠিক নিয়ম মেনে সভাপতি নির্বাচন হয়নি। হোয়াটসঅ্যাপ ও ফেসবুকের মাধ্যমে সভাপতি নাম জানতে পারি। আমাদের উপর জোর করে সভাপতি চাপিয়ে দিচ্ছে জেলা নেতৃত্ব।



## অভিষেকের জনসভার প্রস্তুতি সভা

**তৌসিফ আহমেদ, বাঁকুড়া:-** আগামী ১২ ই এপ্রিল বাঁকুড়ার ওন্দায় একটি জনসভা করবেন সর্বভারতীয় তৃণমূল কংগ্রেসের সাধারণ সম্পাদক অভিষেক বন্দ্যোপাধ্যায় । ইতিমধ্যেই বিষ্ণুপুর সংগঠনিক জেলা তৃণমূল এবং বাঁকুড়া সাংগঠনিক জেলা তৃণমূল কংগ্রেস নেতৃত্বরা জনসভার সমর্থনে জেলার বিভিন্ন প্রান্তে কর্মসূচি করছেন। অন্যদিকে সভাস্থলে প্যান্ডেল তৈরির কাজ ইতিমধ্যেই শুরু হয়েছে । দলীয় কর্মী সমর্থকদের মধ্যে উচ্ছ্বাস উদ্গাদনা চোখে পড়ার মতো ।

অভিষেক বন্দ্যোপাধ্যায়ের জনসভার সমর্থনে ইন্দাস ব্লকের ত্রিশাল গ্রামে একটি প্রস্তুতি সভা করল ইন্দাস ব্লক তৃণমূল কংগ্রেস নেতৃত্ব রবিবার। প্রস্তুতি সভায় উপস্থিত তৃণমূল কংগ্রেস নেতৃত্বদের প্রথমে হাতে ফুলের তোড়া, গলায় উত্তরীয় পরিয়ে সংবর্ধনা জানানো হয় । পরে তৃণমূল কংগ্রেস নেতৃত্বরা জনসভার সমর্থনে মঞ্চে বক্তব্য রাখেন । এদিনের এই প্রস্তুতি সভাতে বহু তৃণমূল কর্মী সমর্থক স্বতঃস্ফূর্তভাবে অংশগ্রহণ করেছিলেন বলে জানা গেছে। তবে শুধুমাত্র তৃণমূল কর্মীরা নয় এলাকার সাধারণ মানুষরাও এই প্রস্তুতি সভায় অংশগ্রহণ করেছিলেন। প্রস্তুতি সভাতে উপস্থিত ছিলেন, ইন্দাস ব্লক তৃণমূল কংগ্রেসের সভাপতি শেখ হমিদ,রাজ্য তৃণমূল ছাত্র পরিষদের সদস্য আতাউল হক সহ অন্যান্য গুরুত্বপূর্ণ তৃণমূল কংগ্রেস নেতৃত্বরা । মঞ্চে বক্তব্য রাখতে গিয়ে ইন্দাস ব্লক তৃণমূল কংগ্রেসের সভাপতি শেখ হামিদ বলেন , ইন্দাস বিধানসভা এলাকায় বিজেপি বিধায়ক জয়লাভ করার পর কোন উন্নয়ন হয় নি। এলাকায় সাধারণ মানুষদের সঙ্গে কোন জনসংযোগ নেই তার । তাই আগামী পঞ্চায়েত নির্বাচনে বিজেপিকে নয় তৃণমূল কংগ্রেসের পাশে থাকার আহ্বান জানান তিনি । পাশাপাশি রাজ্যের প্রতি কেন্দ্রীয় সরকারের বঞ্চনার বিভিন্ন দিকগুলি তিনি তুলে ধরেন।



## নিরঙ্কুশ জয় পেল শাসকদল তৃণমূল

নিউজ ডেস্ক

কামারহাটি মিউনিসিপ্যালিটি এমপ্লয়িজ কো-অপারেটিভ ক্রেডিট সোসাইটি লিমিটেডের নির্বাচনে নিরঙ্কুশ জয় পেল শাসকদল তৃণমূল। শনিবার নির্বাচন অনুষ্ঠিত হয়। ফলপ্রকাশের পর দেখা যায়, তৃণমূল সমর্থিত প্যানেলের ১২ জন প্রার্থীই নির্বাচনে জয়লাভ করেছেন। যদিও, বিরোধীরা এদিনের ভোটে শাসকদলের বিরুদ্ধে তাদের প্রার্থীদের মারধর করার অভিযোগ তোলে। সিপিএমের প্রাক্তন বিধায়ক মানস মুখোপাধ্যায় এবং সাংবাদিকদের হেনস্তা করা হয় বলেও অভিযোগ উঠেছে। তবে, তা অস্বীকার করেছে তৃণমূল। পুরসভা সূত্রে জানা গিয়েছে, পুরকর্মচারীদের নিয়ন্ত্রণের রাশ কার হাতে থাকবে তা এই সমবায়ের ভোটেই অনেকটাই নির্ভর করে। প্রায় ৫০০ জন পুরসভার কর্মী ভোটের এই নির্বাচনে ভোট দেন। ১২টি আসনে প্রতিদ্বন্দিতা করেন শাসক এবং বিরোধী দল সমর্থিত প্যানেলের প্রার্থীরা। এদিনের ভোটে সিপিএম এবং কংগ্রেস সমর্থিত প্রগতিশীল জোটের প্রার্থীদের মারধর করা হয় বলে অভিযোগ ওঠে। কামারহাটির প্রাক্তন সিপিএম বিধায়ক মানস মুখোপাধ্যায় ঘটনাস্থলে গেলে তাঁকেও হেনস্তা করা হয়ে গেলে অভিযোগ। মানস মুখোপাধ্যায় বলেন, এই কো-অপারেটিভ ফান্ডে প্রায় পাঁচ কোটি টাকা আছে। সেই টাকা লুঠ করার জন্যই পরিকল্পনা করে গন্ডগোল করা হয়েছে। প্রার্থীদের মারধর করা হয়েছে। যাঁরা ভোট দিতে এসেছেন, তাঁদের ভয় দেখানো হয়। যদিও অভিযোগ অস্বীকার করে কামারহাটি পুরসভার চেয়ারম্যান গোপাল সাহা বলেন, সমবায়ের নির্বাচনে রাজনৈতিক দলের প্রার্থী বলে কিছু হয় না। সবাই পুরসভার কর্মী। মারধর এবং ভোট লুঠের অভিযোগ মিথ্যা। মানস মুখোপাধ্যায় পুরকর্মী নন। তাই তিনি ভিতরে ঢুকতে গেলে নিরাপত্তা কর্মীরা বাধা দিয়েছেন।



## পঞ্চায়েত নির্বাচনের আগে সকল ধর্মের মানুষের মন পেতে, মালদহে সর্বস্তরের পুরোহিতদের সংবর্ধনা জ্ঞাপন রাজ্য সরকারের

**নারায়ণ সরকার, মালদা:-** মাননীয়া মুখ্যমন্ত্রী মমতা বন্দ্যোপাধ্যায়ের নির্দেশে রবিবার দুপুরে মালদহের পুরাতন মালদার মঙ্গলবাড়ীর শান্তি সংঘ ক্লাবের তাঁতী পাড়া মাঠে মালদা জেলার সর্বস্তরের পুরোহিত, মাঝি বাবা, মতুয়া দলপতি এবং গোসাইদের সংবর্ধনা জ্ঞাপন অনুষ্ঠানের আয়োজন করে মালদা জেলা তৃণমূল কংগ্রেস কমিটি। এই সংবর্ধনা জ্ঞাপন অনুষ্ঠানে প্রধান অতিথি হিসেবে উপস্থিত ছিলেন রাজ্যের দুই রাষ্ট্রমন্ত্রী সার্বিনা ইয়াসমিন ও তাজামূল হোসেন। এছাড়া উপস্থিত ছিলেন মালদা জেলা তৃণমূল কংগ্রেসের সভাপতি আব্দুর রহিম বক্সি, ইংরেজ বাজার ও পুরাতন মালদা পৌরসভার চেয়ারম্যান কৃষ্ণেন্দু নারায়ন চৌধুরী ও কার্তিক ঘোষ, মালদা জেলা পরিষদের সভাপতি এটিএম রফিকুল হোসেন সহ অন্যান্য জেলা তৃণমূল নেতৃত্ব। তৃণমূলের এই সংবর্ধনা মঞ্চে জেলার প্রায় সাড়ে তিন হাজার পুরোহিত, মাঝি বাবা ও মতুয়া দলপতি কে সংবর্ধনা জানানো হয়। তৃণমূলের এই সংবর্ধনা জ্ঞাপন অনুষ্ঠানে প্রথর রৌদ্রকে উপেক্ষা করে এদিনের এই অনুষ্ঠান মঞ্চের সামনে পুরোহিত, মাঝি বাবা ও মতুয়া দলপতি দের উপস্থিতি ছিল লক্ষণীয়।

পঞ্চায়েত নির্বাচনের আগে সকল ধর্মের মানুষের মন পেতে এই সংবর্ধনা জ্ঞাপন অনুষ্ঠানের আয়োজন করা হয়েছে বলে রাজনৈতিক মহলের ধারণা। এই অনুষ্ঠানে সকল সম্প্রদায়ের ধর্মগুরুরা বাংলার মুখ্যমন্ত্রীর গুনগানে পঞ্চমুখ হন এবং সকল বক্তা এই মঞ্চে সম্প্রীতির বার্তা দিয়ে বক্তব্য রাখেন। তৃণমূলের এই সংবর্ধনা জ্ঞাপন অনুষ্ঠানে মালদা জেলা তৃণমূল কংগ্রেসের জেলা সভাপতি রহিম বক্সি জানান, মাননীয়া মুখ্যমন্ত্রীর নির্দেশে জেলার বিভিন্ন স্তরের ধর্মীয় গুরুদের সংবর্ধনা জ্ঞাপন অনুষ্ঠানের আয়োজন করা হয়েছে কারণ মাননীয়া মমতা ব্যানার্জি সকল ধর্মকে এক চোখে দেখেন। তাই সকল ধর্মের মানুষকে এক মঞ্চে তুলে ধরার জন্যই এই অনুষ্ঠানের আয়োজন করা হয়েছে।

পাশাপাশি এই সংবর্ধনা জ্ঞাপন মঞ্চে মন্ত্রী সার্বিনা ইয়াসমিন জানান, বিগত কয়েকদিন আগে রতুয়ায় ইমাম মোয়াজ্জিমদের সংবর্ধনা জানানো হয়েছিল তাই আজকে পুরোহিত, মাঝি বাবা ও মতুয়া দলপতি দেও সংবর্ধনা জানানোর উদ্যোগ নেওয়া হয়েছে এটা কোন রাজনৈতিক উদ্দেশ্য নয়, মমতা ব্যানার্জির নীতি আদর্শে অনুপ্রাণিত হয়ে আমরা সকল ধর্ম গুরুদের সংবর্ধনা জ্ঞাপন করছি কারণ আমাদের কাছে সব ধর্ম সমান।



## সম্প্রীতির মহামিছিলে বামপন্থীরা হুগলিতে

**সন্তু মুখার্জী,হুগলি:-** রামনবমী উপলক্ষে হুগলি জেলার রিষড়া সহ পশ্চিমবঙ্গের প্রান্তে প্রান্তে সাম্প্রদায়িক দাঙ্গার স্মৃতি এখনো পশ্চিমবঙ্গ বাসীর মনে বিদ্যমান। এখনো দাঙ্গা কবলিত এলাকা গুলোতে জারি রয়েছে ১৪৪ ধারা, মহামান্য হাইকোর্টের নির্দেশে টহল দিচ্ছে কেন্দ্রীয় আধা সামরিক বাহিনী। এই পরিস্থিতিতে রবিবার হুগলি জেলার রিষড়া বাগ খাল থেকে উত্তরপাড়া পর্যন্ত সম্প্রীতির মহা মিছিলের আয়োজন করে হুগলি জেলা বামফ্রন্ট। সাম্প্রদায়িক সম্প্রীতি বজায় রাখতে বামফ্রন্টের চেয়ারম্যান বিমান বসু, ও মোঃ সেলিম এর নেতৃত্বে মহা মিছিলে পা মেলাতে উপস্থিত হয়েছিলেন বাম গনতান্ত্রিক আন্দোলনের বহু নেতা নেত্রী সহ বাম কর্মীরা। হুগলি জেলা বামফ্রন্টের পক্ষ থেকে জানানো হয় রিষড়ায় যেখানে ১৪৪ ধারা শেষ হচ্ছে সেই বাগ খাল থেকেই এই মহা মিছিল শুরু হয়। বাংলার কৃষ্টি, বাংলার সাম্প্রদায়িক সম্প্রীতির ঐতিহ্য যাতে আগামীদিনে বজায় থাকে তার জন্যই এই মিছিল থেকে আহ্বান জানানো হয়, প্রত্যেক জাতি, ধর্ম, বর্ণের আপামর পশ্চিম বাংলার মানুষের কাছে।





আয়োজিত

# DEBJIT SIR AWARD SHAROD SAMMAN

MEDIA PARTNER

BOLO  
KOLKATA  
www.bolokolkata.com

মোঃ - ৮৬৯৭৭ ৭৫১২৩

## বঙ্গীয় প্রতিভা অন্বেষণ ২০২৩

(প্রতিযোগিতামূলক)

অঙ্কন

(সকাল  
৯.৩০মিঃ)

ক্রাফ্ট

(সকাল  
১১.৩০মিঃ)

নৃত্য

(দুপুর  
২.৩০ মিঃ)প্রতিযোগিতার  
কেন্দ্র

হরিদেবপুর ৪১ পল্লী

৯ই এপ্রিল, ২০২৩, রবিবার যোগাযোগ - ৯২৩০৮ ১৮০৬৯

রাজডাঙ্গা নব উদয় সংঘ

২৩শে এপ্রিল, ২০২৩, রবিবার মোঃ - ৯৮৩০০ ৬৮৫২১

বাঘাঘাতীন বিবেকানন্দ মিলন সংঘ

৩০শে এপ্রিল ও ১লা মে, ২০২৩ মোঃ - ৯৩৩০৮ ৬১৯৯৮

পুরস্কার বিতরণী অনুষ্ঠান ১৪ই মে (রবিবার) বিকাল ৩টে  
রামকৃষ্ণ মিশন ইনস্টিটিউট অফ কালচার, গোলপার্ক, দক্ষিণ কলকাতা



www.bklnetwork.in

লড়িয়ে দেওয়ার প্রতিযোগিতায় নয়, পাশে থাকার অঙ্গীকারে আমরা।

"Glorious Appreciation – Heartiest Competition"

SS ADMEDIA - presents



www.bolokolkata.com

CHIEF PATRON  
DEBJIT SIRশারদীয়ার শ্রেষ্ঠ  
সম্মান  
২০২৩

FOR ENQUIRY - +918240168370

/ bolo kolkata